

di Viterbiensis successit, teste Ferrario, anno 1074. cum ob haeresim everfa est.

POLYMARTIUM, urbs Episcopalis Tom. 2. Concilior. vulgò *Bomarzo*. Hanc sedem unitam fuisse Ferentinati conjicere est ex Concilio Lateranensi sub Martino, cui * *Bonitus* Ferentispolimartianus subscripsit.

† HORTANUM Anastasio in vita Leonis quarti, unde Hortenses populi Plinio lib. 3. cap. 5. vulgò nunc dicitur *Horti*, & ad ejus Episcopum *Blandum* scribit D. Greg. lib. 1. Indict. 9. Epist. 32.

¶ BLERA Ptol. lib. 3. c. 1. hodie *Bieda*. Ex ejus Episcopis *Maximus* subscripsit Concilio Romano sub Felice, & primo sub Symmacho.

* SUTRIUM Ptol. ibid. hodie *Sutri*. Inter hujus Episcopos, *Eusebius* subscripsit Concilio Romano sub Hilario, *Constantinus* Romano sub Felice, & *Mercurius* Romano primo sub Symmacho.

† TARQUINII Stephano, aliis *Tarquina*, vulgò *Tarquene*. Inter ejus Episcopos *Apuleius* subscripsit Concilio Romano sub Hilario, *Projectitius* Romano sub Felice, & *Lucianus* Romano primo sub Symmacho.

TUSCANIA, à qua Tuscanienses populi, quorum meminit Plinius lib. 3. c. 5. hodie *Toscanello*. *Maurus* Tuscaniæ Episcopus interfuit Concilio Lateranensi sub Martino.

† SALPIS à qua Salpinates populi Livio lib. 5. cujus § *Palladius* Episcopus Concilio Romano sub Hilario subscripsit.

¶ BALNEUM Regis Paulo Diacono, hodie *Bagnarea*. D. Gregorius Magnus scripsit ad *Joannem* Balnei Regis Epist. 34. lib. 8.

URBS VETUS Procop. rerum Gothic. l. 2. hodie *Orvieto*. ** D. Gregorius scripsit Epistolam 27. l. 5. ad *Candidum* Episcopum de Urbe Veteri.

¶ CLUSIUM Ptolem. l. 3. c. 1. vulgò *Chiufa*, cujus Episcopus *Laurentius* interfuit Concilio Aquileiensi sub Damaso.

PERUSIA Ptol. l. 3. c. 1. hodie *Perugia*. *Maximianus* hujus Episcopus subscripsit Concilio Romano primo sub Symmacho; & *Venantii* meminit D. Gregorius l. 10. Epist. 52. Indict. 5.

§§ CORTONA Ptol. ibid. hodie nomen retinet. *Theodosius* Episcopus Cortonæ subscripsit Concilio Lateranensi sub Martino.

ARETIUM Straboni l. 5. nunc *Arezzo*, cujus Episcopus *Gaudentius* passus est 14. Junii sub Diocletiano, ex Martyrologio.

○ VOLSINIUM Straboni l. 5. hodie *Bolsena*. *Gaudentius* hujus Episcopus subscripsit Synodo primæ Romanæ sub Symmacho.

* CENTUM-CELLÆ Procop. rerum Gothic. l. 2. vulgò *Civita Vecchia* Kol.

N O T Æ

* *Bonitus* &c. subscripsit Concilio Lateranensi. In editione Bini Ferentinas legitur, & mox repetitur idem Ferentis Polimartianus, ut pro duabus Ecclesiis distinctis subscripsit. & sic sapius. Majorinus Polimartii Episcopus in Concilio Rom. I. Gregorii II. Agathus Polimartianensis Episcopus interfuit Concilio Romano Eugenii II. anno Christi 826. Et post eum Georgius subscripsit Concilio Romano Leonis IV. anno Christi 853. & ante hos Joannes Concilio Romano sub Zacharia Papa anno Christi 742. LUCAS HOLSTENIUS.

† *Hortanum* &c. Julianus Hortanus Episcopus in Concilio Romano sub Martino Primo, ubi male Hostanus legitur. LUCAS HOLSTENIUS.

¶ *Blera* &c. Firminus Lateranensi sub Martino. LUCAS HOLSTENIUS.

* *Sutrium* &c. Barbatus Romano sub Martino I. Papa. LUCAS HOLSTENIUS.

† *Tarquini* &c. vulgò *Tarquera*. *Tarquina* &c. Episcopatus hic Cornetum translatus, ut & Gravicanus. LUCAS HOLSTENIUS.

† *Salpis* delendum. Vitio creatus Episcopatus, ideoque expungendus. LUCAS HOLSTENIUS.

§ *Palladius* &c. Fuit hic Sæpinas Episcopus in Samnino, de quo infra ad Samnium. LUCAS HOLSTENIUS.

¶ *Balneum* &c. Alifredus interfuit Concilio Romano Eugenii II. LUCAS HOLSTENIUS.

** D. Gregor. scripsit Ep. 12. lib. 1. Joanni Episcopo de Urbe Veteri. & lib. 2. Epist. 5. ut & Epist. 27. &c. LUCAS HOLSTENIUS.

¶ *Clusium* &c. vulgò *Clusa* &c. *Chiusi* &c. Ecclesius apud Gregorium M. lib. 8. Ep. 46. & lib. 10. Ep. 53. LUCAS HOLSTENIUS.

§§ *Cortona*. Ptol. ibid. hodie nomen retinet. Jordanes ejus Episcopus legitur in sententia Vigili Papæ contra Theodorum Cæsariensem lata; Baron. ad ann. 551. Joannem vocat errore potius quam meliorum Codicum auctoritate. LUCAS HOLSTENIUS.

○ *Volsinium* &c. Agnellus Synodo Romanæ sub Agathone. LUCAS HOLSTENIUS.

* *Centumcella* &c. & *Cincella*. Hoc falsum: Nam Cincellæ vocatur nova illa civitas à Leone IV. ædificata, qua paulò post deserta incolæ ad veterem Centumcellarum civitatem redierunt, cui comparatione novi illius Leoniani oppidi Civitatis veteris appellatio hæsit. LUCAS HOLSTENIUS.